



# Dr Mutze-Bebbi<sup>I</sup>

41. Joorgang grindet 1978  
Sonderdrugg vom 19. Hoornig 2018

## D Fasnacht im Wandel

Promotionsschrift vom Ueli H.P.<sup>II</sup> zem Doggter h.c.<sup>III</sup>

### 1. YYLAITIG

Was z Vevey s Winzerfescht vom Buur, isch z Basel d Fasnacht: Wältkultur!  
Worum d UNESCO daas verkindet, wird wisseschaftlig doo begrindet<sup>I</sup>.  
Mir zaige d Fasnacht geschter, hit, und wie si wird in fäärner Zyt.

### 2. METHODE

Numme wäär publiziert wie gschteert, isch en akademisch Wääse  
(han yych bim Bier am Stammdisch gheert – oder han yy's online glääse?).  
Drum han y googlet, Nacht fir Nacht, mit copy/paste die Aarbet gmacht.  
Fascht alles isch zwoor Plagiat, doch wisseschaftlig akkurat.  
Wenn d Evidänz isch allzue schitter, git's zem Gligg jo Fox und Twitter.

### 3. RESULTAT

#### 3.1. d Fasnacht friener

Vor em Faschte, am liebschte znacht, wird syt Joorhundert Fasnacht gmacht.  
Mit Läärm und Faggel goot's duur d Stadt. Fir d Kiirche isch daas gar nit glatt:  
Z vyyl blutti Hut, 's isch z schrill, z fryvoor: D Sind regiert - und dr Alggohool.

Drum hänn si strängi Reegle gmacht: D Hut gheert verhillt<sup>2</sup>, nur d Larve lacht:  
Jetzt bruucht's Alti Dante-Roobe<sup>3</sup>, Waggis<sup>4</sup>, Blätzli (vo de Schwoobe).  
Und wenn Diir s Pfyfli<sup>IV</sup> Lämpe git, due drumme<sup>5</sup> und marschier im Schritt.

#### 3.2. d Fasnacht hit

Esoo verhillt griegsch Muet zer Wuet; spiilsch us, was s ganz Joor blooge duet:  
Dr Zeedel bysst und d Lampe brennt<sup>6</sup>, d Blaggette driff s Establishment<sup>7</sup>!  
Bis s Comité interveniert, will z vyyl Grytigg, zvyyl schwarz geniert<sup>8</sup>:  
Zuevyyl Biss isch fir uns giftig, denn d Fasnacht isch fir d Wiirtschaft wichtig<sup>9</sup>.  
Fir s Maximum an Subwänzioon, zie bunt Dii aa und mach dr Gloon!

Wenn hit d Juuged wotsch begaischtere, fir s sälber dängge, persifiere,  
pffyffe, drumme, Larve glaischtere, muesch Anglizisme zeerscht studiere.  
Kai Baseldytsch ka's maischtere, d Alldaags-Sprooch muesch simuliere<sup>10</sup>.  
Loss s Alte ummegaischtere<sup>10</sup>. Wie das goot? Doo kasch's brobiere:

>>> **Tabälle 1**

#### 3.3. d Fasnacht moorn



>>> analog: **Tabälle 2**

### 4. ZÄMMEFASSIG

Besser isch geschter wie hit als moorn

### 5. DANGG

In memoriam Paul, Clique-Grinder und -Seel

<sup>I</sup> jubilierend Haimweebasler-Clique us dr ~~Mund~~-Stadt (miir hänn no e Zytig!)

<sup>II</sup> H.P.= Harlekin Pierrot, alts Basler Fasnachtsgschlächt mit Migrationshintergrund

<sup>III</sup> h.c.= humoris causa

<sup>IV</sup> Pfyfli = Piccolo (what else?)

<sup>V</sup> Glöpfer, Steak: carne? vale!



## 6. TABÄLLE

### Wenn's in Basel vieri schloot

#### Whom the bell tolls

Vieri demoorge, d Schwoobe dränge in d Stadt: Moorgestraich!  
Dr early bird flash-mob drängt in d City: Burn: out!

Stammclique und jungi Garde zaige iiri Sujets.  
King-size bands und start-ups zaige iiri PR-gags.

Bim Baizehalt git's Määlsuppe und Wysse.  
Bim face-lifting gits flour-power und energy drinks.

Am Cortège griesst s Comité d Dambuurmaioore,  
Am public viewing griesst d rating agentur d running gags,

studiert Zeedel und dr Rädabäng.  
studiert flyer und d watch list.

Hesch e Blaggette? Pay-per-view!

D Waggis uff de Wääge stopfe Maitli mit Röppli und verdaile Mimöösli.  
Grossmuuldisser uff workstations mobbe tussies mit paradise papers und share likes.

Zoobe goosch im Charivari mit em Schysssdräggyygli go gässle.  
Zoobe chillsch im multiple-choice outfit mit de shitstormers an dr happy hour.

Doo wüirble d Drummelschleegel und d Piccolo jubiliere.  
do eskaliere d joy-sticks und d Piccolo tigge uss.

Hinder de Schotte iiber d Spaale an Rimmelisplatz go Glöpfer<sup>V</sup> ässe.  
stalksch d airbag gang iibers nordic walking an d public domain go steak<sup>V</sup> holde.

Zeerscht Schnitzelbängg im e Cliquekäller,  
Zeerscht poetry slam im e wellness center,

denn verbyy an ere Glaibasler Gugge uff e Minschterplatz.  
denn verbyy an de ghettoblaster an d lightshow.

Scho isch Ändstraich – e wunderscheeni Fasnacht!  
final call – a mega event!

Tabälle 1: liber Fasnacht reede: Baseldytsch- Dänglisch

2050, jeedi Wett, mach yych dr Moorgestraich im Bett,  
virtuell, mit 3D-Brille: Uff dr Route – UND am chille:  
Zeerscht e Podcast aabelaade (jee, wie's staut die Freii aabe!),  
myni Väärs schnäll online stelle – denn chille, bis y d likes ka zelle.  
My 3D-Drugger druggt drbyy, Käaswaaie und e Biggse Wyy.  
E cortège-app wird sich loone: Griegsch Orangsche vo de Droone,  
und streggsch dy Smartphone smart in d Luft, strait's Röppli –  
und Mimoose-Duft.  
Bisch an dr Fasnacht voll drbyy, und ainewäg bim Après-ski!

Tabälle 2: D Fasnacht moorn (Analog-Version)

## 7. REFERÄNZE

1. Parmelin G. **Wältkulturerb Schwyz: Hauptsach Wysse**. Dr Wyybuur 2017
2. Adam & Eva, Eerzängel Gabriel. **Vom Fyygeblatt zem Goschdym**. Paradise papers, undatiert
3. Macron, M<sup>me</sup> la Présidente. **Au Alti Dante sin Topmodel**. Vogue 1942
4. Trump D. **Gäll, de kennsch mi? vom Grossmuul zem Waggis**. ~~Tw~~Litter
5. Berger Frutz. **Wer nicht trommeln kann, schadet der Fasnacht**. Zytloos
6. Herzog & de Meuron. **Mir faggel nit lang – Lampe statt Lämpe!** Perseenligi Mitdailig
7. Martullo M. **Do goot d Poscht ab – se sevän sinking steps vom service büblig**. Blaggette-Festschrift 2018
8. Bürgin C et al. **Lasst uns froh und munter sein – Sujets mien luschtig syy**. [www.fasnachts-comite.ch](http://www.fasnachts-comite.ch)
9. Jordan T. **Röpplirääge stabilisiert Frangge-Kurs**. Editoreal. Dagobert Press 2017
10. Aeschi T, Röschi A. **Maximal Halbläärvli – mir kille s Verhille**. SVP Barteiprogramm 2017

Promoviert zem Dr. h.c.  
summa cum claude  
Basel, 21. Hoornig 2018



D Ladäärne-Uusstellig uff em Minschterplatz und d Waage- und Reggwisyte-Uusstellig bi dr Kasäärne sin vom Määntig znacht bis am Mittwuch demoorge!

